



08689

郭侍郎奏疏卷六

官軍越境剿賊大勝克復永定縣城疏

會稽時
督衛

赤緯圖
書館藏
嘉慶

奏爲官軍越境剿賊大勝克復永定縣城恭摺仰祈

聖鑒事竊

臣

等前以官軍進規雲霄平和各城疊次苦

戰獲勝並先規永定後圖漳州各情於十二月二十六

日具

奏在案嗣據臬司李福泰副將方耀稟稱永定踞逆丁

太陽潘姓等勢甚兇悍深溝高壘有久踞之意方耀自

進紮恩全後探知賊中丁潘二逆各不相能可以設法

離間卽購覓敢死之士混入賊中偵伺動靜相機辦理

奏疏卷六

十二月二十六日方耀偵知賊將赴永定城外之金砂

鄉擄掠預於近城各處埋伏二十七日賊眾果至我軍

號礮一聲伏兵齊起四面圍殺喊聲動地賊眾披靡殺

斃六百餘名餘匪帶傷回竄我軍追至城外將礮樓土

壘一律平毀二十八日知府吳贊誠都司鄭紹忠督兵

來會方耀於城外踏看地勢有附城之鑊子嶺鳴岐山

兩處可以俯瞰城中因移營分紮山脊槍礮火箭日夜

俯擊賊眾死傷如積兼以城內舉動爲官軍所知各自

驚疑遂於十二月二十九日開東門自龍巖州一路而

竄我軍追至雷塘而還其計先後殺賊一千六七百名

查永定雖已收復而汀州之南陽爲康逆汪海洋踞紮號稱十六七萬人漳州踞逆號稱二十萬人是潮嘉東北兩路防務尙未能放鬆一路謹仍欽遵

諭旨咨催馮子材速赴東江督辦軍務先飭李福秦馳赴潮州府城妥籌布置以固濱海門戶至已革副將方耀自平遠挫衄後卽能振刷精神督兵克復武平縣所兩城已經臣等奏明記功奉

旨允准在案現復設計苦戰越境攻克永定縣城實屬能知愧悔奮勇可嘉合無籲懇

天恩俯准將花翎總兵銜署三江協副將方耀所有暫

奏疏卷六

行革職處分悉予開復以示鼓勵臬司李福泰自出省督辦防剿以來運籌決策悉合機宜用能越境連克兩城洵屬調度有方可否

賞戴花翎候補知府虎門同知吳贊誠前辦嘉應團練力遏賊氛現復會同方耀出奇制勝攻拔堅城洵屬異常出力可否以道員畱於廣東補用都司鄭紹忠可否賞加遊擊銜其餘在事出力人員可否由臣等查明後

擇尤保獎所有官軍越境克復永定縣城緣由謹合詞

恭摺由驛六百里馳

奏伏乞

皇太后

皇上聖鑒謹

奏

奏疏卷六

三

欽奉

諭旨敬陳管見疏

會總督銜

奏爲欽奉

諭旨敬陳管見恭摺奏祈

聖鑒事竊^臣等於二月初六日承准議政王軍機大臣字寄同治三年十二月十七日奉

上諭沈葆楨奏照錄督糧道段起條陳安置凱撤勇丁事宜原稟呈覽一摺內稱今日各路遣散之勇丁不下數十萬必有膽略謀勇之輩投閒置散必致別生枝節若將此輩加以豢養自無構禍之事並可責成與地方官吏協同查拏匪類請酌畱各州縣釐金以俟撤勇之

奏疏卷六

四

用自提鎮下至都守均各照本職每年應領俸銀數目分四季向地方官吏支領並每名酌加米石或由釐金稅項下支給或由丁漕正款報銷其餘千把及無職勇丁或全數歸農或充補兵額所議四條立論不爲無見惟酌給俸銀米石等項爲費甚鉅應先事籌畫方可次第辦理銷患未萌著按照所陳各節妥議章程具奏欽此等因同治四年正月二十六日奉

上諭據喬松年奏稱管帶之員弁有實缺者極少遣歸後補缺無期投閒置散既無向上之路並無謀食之方未免可惜現請將此項人員或在立功省分或在原籍

省分准令歸標學習如果能勝任准同候補人員酌補營缺藉資教練其有不願歸標者亦聽其自便等語所奏不爲無見卽著彙入段起條陳一併明定章程具奏欽此等因臣等跪誦之下仰見皇上邇言必察防患未形之至意下懷莫名欽佩惟是救時之策貴揆事勢所能行爲政有經不能每人而求悅段起所陳雖爲弭患起見而臣等究其利弊要其始終覺有窒礙難行者二有不必過慮者二行之而仍恐無益者亦有二請爲

皇太后

奏疏卷六

五

皇上陳之綠營欠餉各省皆同卽以廣東一省言之欠餉幾及三年爲數不下數百萬旗兵之需索營弁之籲求幾於無計推延無詞批復雖經臣等勉強支持不至生事實則可慮之至不但此也各路防剿之師欠餉均已數月去歲年穀少歉一切指輸皆經緩辦故籌濟尤難夫以額設之營兵前敵之弁勇尙有枵腹之虞豈獨於名遂身退之官弁轉能源源接濟之理如曰雖無其實姑予以名必至兵餉勇糧之外又增一項欠款是博一時之見好而貽無窮之後累也此窒礙難行者一也承平之世

國家歲入四千餘萬而所出亦四千餘萬稍有水旱偏
災卽虞不足至於今日或徧地干戈或瘡痍甫息江浙
各省爲丁漕最重之地已蒙

恩酌減錢糧卽使及早承平歲出之數不加於舊已有
入不敷出之患安能籌此鉅款養散勇乎釐金固不
可議停而用度則必須有節目今需財甚廣正款旣無
可挹注捐輸又難乎爲繼惟恃此芟芟釐金藉爲補苴
之計臣等前此奏請緩停抽釐所慮至深且遠若僅爲
散勇起見未免錙銖取之而泥沙用之矣況乎軍興以
來各路保舉重疊自都守以至提鎮統計不下數萬員

奏疏卷六

六

卽照段起所陳各按所保官職俸銀籌給一品歲領銀
八十一兩二品六十七兩零從二品五十三兩零三品
三十九兩零四品二十七兩零五品十八兩零在各該
弁按時支取每月僅得數金無加於毫末而

朝廷積少成多每歲卽需數百萬當此挖肉補瘡之時
於京餉兵餉之外平添數百萬之餉額內旣不能有餘
額外又無可另取雖桑孔復生亦恐無能爲役此室礙
難行者二也從來散勇之難不難於有官之人而難於
無官之人故川楚教匪平定後嘯聚爲亂散勇多而官
弁少尤未聞有提鎮參遊從而作亂者蓋豪傑之士固

不以溫飽爲懷卽志氣稍下者一旦名位崇高亦必少知自愛若夫桀鷲之徒兇悍性成如近時江蘇所誅之馮協坤官至二品家資數十萬尙且敢於通賊則雖加之豢養亦復何益如各省督撫皆如李鴻章之不事姑息雖有馮協坤之兇惡且不足慮何論其他此不必過慮者一也散勇之中固多智略謀勇之輩降賊之內亦正不乏其人勇固易於嘯聚賊尤習於性成今天下當勇之人莫多於楚其次則莫如粵天下首亂之人莫多於粵其次亦莫如楚臣鴻賓在湖南巡撫任內其時降賊之遣歸者頗多散勇之被撤者亦不少仰賴

奏疏卷六

七

天威從未嘗別生枝節及調任廣東高州之首民四五萬由江西江蘇浙江各省撤遣回籍之降眾不下十餘萬其散勇更難數計雖豎旗拜會之事時或有然經臣等申明法令飭屬嚴辦亦無不隨起隨滅段起於立功回籍之員乃爲之鯁鯁過慮不知降眾如林又將如何籌款以羈縻之此不足過慮者二也原稟謂遣撤之後可以資其鎮撫不知營官之所以能約束兵勇者視乎

朝廷之制度不視乎一人之恩威常人之情畏法甚於感德趨利甚於避害當其在營兵勇有趨利赴功之心

營官有賞功罰罪之權故強者知勸而弱者知懼一經散遣權已不屬提鎮之與散勇等耳譬之自督撫下至州縣在官則遞相統屬罷官則等若齊民夫以督撫之重且不能行其權於家居之日而謂都守以上能約束散勇於既撤之後乎此行之而仍恐無益者一也原稟謂可與地方官共圖緝捕不知州縣有緝捕之責武營有會緝之責嚴之以處分假之以事權猶且不能認真緝捕彼回籍都守以上各員既無處分之可畏又無事權之可假而轉欲資之緝捕盜賊是猶欲前行而卻步也且恐此輩粗人因之武斷鄉曲挾仇修怨紛紛而起

奏疏卷六

八

是養之而適以害之此行之而仍恐無益者二也總之天下之治亂在乎用人之當否所用賢則紀綱振飭法度修明雖亂世亦可以爲治所用非賢則紀綱倒置法度廢弛雖平世亦可以致亂從古及今未聞費有用之財養無用之人啗之以利而求其不作亂者無論此養之名或非英異之流所肯受正恐啟人以輕量之心非細故矣且夫旣得隴又望蜀者小人之恆情逸思淫勤思奮者君子所不免縱使國家財力能給足以贖其所求竊恐都守以上之有所得者必將習於儉惰于把以下之無所得者必且肆其怨謗欲弭亂而亂益滋欲

靖禍而禍愈甚此尤流弊無窮防不勝防者也抑臣等竊有請者方今內患未平外患猶伏正臣子臥薪嘗膽力求自強之時非天下已治已安高談偃武之日爲今之計與其坐耗經費仍非弭亂之善方何如選練精良預籌防患之實用其甘肅新疆及雲貴福建之現偏賊氛者無論矣卽如廣東境內現雖無賊而東則有漳龍之悍逆西則有岑橫之餘寇南則有越南之黎匪無在不須用兵卽無日不當講武臣等選將徵兵亦未嘗不於遣散勇弁中取材他若江南安徽浙江兩湖四川直隸山東河南等省或全境初清或鄰氛未靖論者或患其兵氣之未銷而臣等轉慮其武備之漸弛竊謂除陝甘雲貴福建不計外其江浙各省均宜酌畱兵勇多者萬餘人少或三四人卽以各該省在籍之提鎮協參遊以下者爲營官爲哨官簡其精壯汰其老弱隨材任使不拘資格分紮省會及扼要處所無事則恪遵營制俾就範圍有警則迅赴戎機無煩徵調且使將材不致廢棄軍餉不致虛糜而天下有備無患亦可以補綠營兵力之不逮其月餉卽從釐金項下酌量籌撥而不患窘難三二年之後天下大定內外又安立即裁撤歸農亦不患別生枝節如此一轉移間化虛耗而歸實用事

易舉亦易停而不致有牽制之慮如蒙

俞允各省均有募勇舊章應如何酌量變通之處請

旨敕下各省督撫體察情形妥籌辦理至安徽撫臣喬

松年所陳各節審時度勢平易行現在各省大略皆

係如此辦理自應如該撫所請

敕部施行臣等受任封圻於利弊得失之故因革損益

之宜不敢不悉心熟籌用竭兩端之叩勉抒一得之愚

冒昧直陳以備

聖慈採擇是否有當伏乞

皇太后

奏疏卷六

皇上聖鑒訓示謹

奏

請停補各省兵額片

會總督銜

再我

朝營制大小相維遠近相制立法可謂盡善惟是日久廢弛弊端叢出故川楚教匪之時論者已謂用兵不如招勇及廣西逆匪初起徵兵幾半天下乃調兵愈眾賊勢愈熾轉不如鄉勇之尙能抵禦於是識時務者相率改而募勇卒之肅清南服掃穴擒渠皆勇之效而兵不與唐臣韓愈有言徵兵滿萬不如召募數千由來久矣夫兵有節制而勇皆募充勇有功而兵無效其故何也蓋古之善用兵者貴乎兵識將意將識士心故能收指

奏疏卷六

十一

臂之效今百里有營十里有汛在立設之初原謂耳目既近稽察易周一有嘯聚即可圍捕然而多者不過數百人少者或十餘人逐捕尙或有餘禦寇實形不足迨其倣也將以扣餉冒額爲能無所謂訓練兵以窩娼查賭爲利無所謂營規於是上下雖有統屬之名而情睽意隔歲時雖有演操之制而實去文存及有徵調東抽一名西撥一隊兵與兵不相習將與兵不相知夫訓練旣已不時心意又復不洽與驅市人而使戰者何異此所以不能得力者一也古者十金之士百金之士材力旣異身價亦殊今卽不能優以厚餉亦不可不使之飽

騰乃綠營定制馬兵月給二兩戰兵月給一兩五錢步兵月給一兩在開國之初人少物賤按時籌給尙足以贍其身家承平既久生齒既繁百物昂貴兵之月入已不足以自贍況又加折扣而望其忍飢力鬪難矣且民間傭力之夫月入尙有得錢數貫者無惑乎老弱之充數而強壯之別圖矣故軍興以來駐防旗兵參養較綠營稍厚而收效亦較殊其明徵也此所以不得力者一也今若如臣等所請各省畱勇自數千至數萬不等緩急均有可恃必將謂兵可以盡撤營可以盡裁而於事勢又有甚難者額兵欠餉各省纍纍若欲裁撤必先發餉營兵所以不能整頓坐欠餉太多之故又復議裁能無譁諫此不可不慮者一也兵之實難返兵之名尙存知者雖知其無用不知者尙惕於

奏疏卷六

七

國威若一旦裁撤奸民或因而生心此不可不慮者二也臣等再四思維惟有以勇輔兵有缺勿補之一法查江浙皖楚等省之兵幾經大亂物故流亡者爲數不少直東豫晉等省之兵雖尙完善死亡病故者亦歲有之擬請此後無論用兵及完善省分從前未足之額暫緩召募此後再出之缺概停募補如此則無用之兵漸減而不事紛更有用之餉可節而無乖定制至於營汛可

裁則裁老弱可汰則汰是在乎大吏斟酌時宜非執一所能懸斷若年復一年不思變計恐欠餉日增一日必有決裂之時此輩弭亂不足而爲亂有餘恐天下之憂不在散勇而在額兵矣臣等愚昧之見倘蒙
俞允請

敕下各省督撫察看各省情形酌量施行是否有當伏
乞

聖鑒訓示謹

奏

奏疏卷六

革職畱任謝 恩疏

奏爲恭謝

天恩仰祈

聖鑒事竊 臣於同治四年二月二十九日接准部咨同治三年十一月初二日奉

上諭前因毛鴻賓等奏率屬捐廉助餉加恩將毛鴻賓等交部從優議敘茲據奏稱該督撫所得獎敘請照學政司道等一體移獎子弟等語所見甚爲卑陋毛鴻賓郭嵩燾前次所捐銀兩卽行發還並撤銷從優議敘交部議處等因欽此欽遵到部應請將兩廣總督毛鴻賓署廣東巡撫郭嵩燾各議以降三級調用毋庸查級紀議抵等因同治三年十一月二十三日內閣奉

奏疏卷六

十四

上諭前因兩廣總督毛鴻賓署廣東巡撫郭嵩燾請將所得捐廉助餉優敘移獎子弟當以該督等意存計較不知大體交部議處茲據吏部議以降三級調用毋庸查級紀議抵等語毛鴻賓郭嵩燾均著加恩改爲革職畱任欽此跪誦之下感悚難名伏念 臣權攝封疆固知大體冒

宸嚴而瀆請干譴遂以何辭乃蒙聖恩曲賜矜全仍與畱任

特示加恩於薄罰俾資補過於將來仰荷
生成曲逮之仁倍深惶恐圖報之義自去年三月以來
江西竄匪由甯都南安擾近粵邊東北兩江同時告急
臣一力倡捐催繳軍需局支放募勇經費耿耿愚忱但
有願公之心實無營私之意曲荷

聖慈之戒飭衷隱難陳更蒙

淵量之包容旁皇累日有罪而邀

矜貸原期激勵臣工已捐而又領回何顏對諸寮屬惟
有仰懇

皇上天恩仍准容臣報捐軍餉

奏疏卷六

五

賞免發還雷霆雨露無非教

恩威所被一本至仁天地神明詎敢誣懲戒之餘彌深
私禱所有微臣感悚下忱謹恭摺叩謝

天恩伏乞

皇太后

皇上聖鑒謹

奏

此疏實礙難著筆而私衷憤鬱之氣又不能不稍自
明與此曹共事公私交受其累爲之拊膺浩歎而已
自記

特參二品職官訛詐有據疏
奏爲特參二品職官訛詐有據請
旨暫行革職歸案審訊以肅法紀恭摺仰祈
聖鑒事竊查廣東省河向設緝捕船隻時有假冒文武
職官訛詐行旅之案均經隨時查明懲辦本年正月間
據英領事羅伯遜函稱番禺縣民人黃亞發赴該領事
處呈控副將銜李光向該船詐去洋銀二百兩復將其
船奪去呈請追回給領等情時以該民人黃亞發赴英
領事具控府縣竝無案據其控副將銜李光訛詐情由
亦頗涉支離當飭營縣查明李光因何在省河訛詐商

奏疏卷六

六

船竝有搶奪情事隨據副將銜李光呈稱同治二年在
浙江管帶靖逆水陸全軍駐紮甯波添購廣艇派千總
劉勝滄等管帶爲巡洋護漁之用被舵工黃和寬謀害
劉勝滄等駕船逃駛曾經移請香山縣查拏去年七月
由浙江銷差來粵隨時查訪適在發風墩河邊遇見此
船卽時駕回又經移請南海縣拘兇究辦其言亦尙有
因隨劄飭英領事羅伯遜將黃亞發解案發交廣州府
審訊該民人黃亞發年甫二十向在洋船雇工其船係
民人郭桂開自置在順德陳邨地方憑致祥店承買經
分飭各該縣查覆均屬相符而李光移請香山縣拏辦

一案獨無卷可稽初次訛詐黃亞發洋銀二百兩有李光隨丁郭亞歡書立收單飭令將郭亞歡交案又復多方狡展其爲挾職官曾經帶勇之勢藉端訛詐確有明徵自應從嚴訊辦以懲貪邪而肅法紀應請

旨將副將銜陞用參將李光暫行革職以憑勒限飭將郭亞歡交出研訊確情再行分別定擬所有特參二品職官訛詐有據請

旨遵辦緣由謹繕摺具奏伏乞

皇太后

皇上聖鑒訓示謹

奏

奏疏卷六

七

員弁爭索賄規請斥革嚴訊片

會總督銜

再廣東賭風之盛甲於天下鄉村市鎮到處聚賭因之文武員弁皆有規費一二劣紳人等亦有規費凡經紳士收受規費以老師館爲名各有標目甚或夥開一館據爲利藪風俗之敝實由於此茲查有署新會江門汛千總梁北威與武舉陳元功以爭索賭規互相把持至於聚眾鬪毆該千總梁北威因將陳元功細獲並獲其黨武生陳紹基武監生陳慶元等八名誣以糾眾搶奪已獲之盜犯稟請覈究_臣等查辦盜案覈實認真從無寬假該千總與武舉陳元功等互爭賭規捏造夥搶盜犯重情率意通稟實緣紀綱法度廢弛已久悍無顧忌地方官紳行徑如此何敢稍事優容貽害人心風俗除咨部將署江門汛千總梁北威武舉陳元功等先行斥革歸案嚴訊定擬外應請

奏疏卷六

文

旨分別懲辦以警頽風謹附片陳明伏乞

聖鑒訓示謹

奏

官軍迎剿竄匪屢獲勝仗現仍防剿兼籌疏

會總督銜

奏爲官軍迎剿竄匪屢獲勝仗現仍防剿兼籌情形恭摺由驛馳陳仰祈

聖鑒事竊前因方耀分剿白沙石碣各匪大獲勝仗情形經_臣等於二月二十八日具

奏在案茲據藩司李福泰副將方耀稟稱南陽之全股竄併白沙營巢林立方耀慮其下竄粵境卽調分防水鋪弁勇馳回並飛咨駐紮峰市之鄭紹忠蚌蛇渡之周陞堅營嚴扼二月初八日派守備方鰲等由上杭東門潭頭上渡河派候選知府方勳等由潭頭下渡河分頭

奏疏卷六

九

進攻白沙賊壘適遇賊於茶地方鰲方恭等大呼衝突槍礮齊施斃匪四百餘名陣斬僞官銍天安陳幗輝僞御林護駕列王黃姓生擒十三名奪獲賊馬四十八匹旗幟槍械什物不計其數該匪不敢戀戰四路狂奔我軍追殺十餘里始行收隊查點各勇受傷九名此方耀截剿白沙逆匪獲勝之情形也二月十八日逆首丁太陽率匪萬餘由朱家山後三斷嶺下分路來撲大埔縣屬之柏嵩關勢甚兇悍守備李瑄芳等督率各隊兵勇奮力迎擊各鄉練亦前來助剿自辰至巳鏖戰兩時之久斃匪不計其數生擒賊匪十一名奪獲旗幟多件我

軍向前直偏奮力夾攻並用火罐拋擲槍礮如雨該匪拒敵不住仍由三斷嶺下而逃兵勇亦有傷亡此饒平防軍迎剿竄匪獲勝之情形也二月十一日花旗股匪繞由小路竄入大埔縣屬之維新甲漳溪等處縣城岌岌可危守備蘇鎮超遊擊王傳訓等會督兵勇分途截剿副將方耀參將林保都司鄭紹忠亦由閩界跟蹤馳援同時齊抵大埔賊由湖寮白墩竄走先後斃匪甚多此大埔防剿疊有擒斬竄匪之情形也臣等伏查閩省龍巖股匪經康國器等軍攻克餘匪竄歸南靖南陽股匪經劉典王開琳等軍攻克餘匪竄歸陽苦竹等處偏近大埔縣城分股襲攻楓朗營盤爲戴朝佐梁仕光等軍擊敗遂徑趨撲詔安縣城經何雲章派遊擊李元順一軍馳援爲賊所掩襲退紮分水關該逆橫出朱家山襲破縣丞吳國泰一營進趨秀篆黃岡饒平同時告急粵東防閩之軍始分東北二路以嘉應所屬爲北路潮州所屬爲東路迨汪逆大股趨併漳州二百餘里之地粵東邊防乃歸重大埔饒平一路何雲章進攻雲霄以勦爲堵故自饒平以南東界黃岡西界澄海皆無重兵駐防該逆驟撲詔安繞出雲霄之後直窺粵境倉卒告警幾至措手不及幸鳳潮道鳳安得信較速卽時商

請前西甯鎮總兵黃朝恩募勇千人馳紮黃岡分水關一帶併飭署潮州府陳毓書督率民團幫同堵剿藩司李福泰亦由三河壩趕至潮州調派鄧安邦方吉等軍越境馳援詔安通何雲章一軍之氣以固潮南門戶飭副將林保一軍專扼柏嵩關飭遊擊吉瑞一軍專扼老虎關臣等並飭李福泰等將南澳澄海各海口妥爲布置潮州防務稍臻周妥而沿邊滋擾各匪尙止汪海洋一股其漳州李世賢一股至今未有蠢動之信閩軍高連陞黃少春等環攻漳州之東劉典王德榜王開琳張恆祥康國器等合防漳州之北江蘇撫臣李鴻章又由海道派郭松林楊鼎勳兩軍從廈門進攻是漳州南路又得此大枝勁旅三面進剿惟西路與粵毗連數百里兵力獨形單絀臣等接據李鴻章來函卽行移咨商令各軍由海道分兩路進攻一由廈門會合閩軍直擣漳州一由汕頭東出黃岡規復雲霄平和各城出漳州之西與翟國彥方耀鄭紹忠等軍分路并出庶可蹙之漳州一城且可斷其入海之路不至貽毒他處但恐郭松林等已航海入閩商辦不及則閩軍直成長驅之勢粵東防務尤費支持臣等現催卓興一軍由恩平赴省刻期馳往東江而欠餉旣多軍行亦難期迅速籌防日久

轉餉愈艱惟有督飭司道竭力籌辦以期殲此大憝木
畱餘孽其李元順赴援詔安吳國泰防守隘口未能實
力抵禦以致爲賊所乘均屬咎有應得相應請

旨將遊擊李元順縣丞吳國泰先行摘去頂戴有無聞
警先逃情弊咨札飭李福泰鳳安查明後再行參辦以
肅軍政所有東路防軍疊次勦賊獲勝及現籌辦理情
形謹恭摺馳陳伏乞

皇太后

皇上聖鑒訓示謹

奏

奏疏卷六

三

羅定官軍越境蕩平河垌賊巢馳援信宜片

今日總
督

再羅定官軍越境攻克古眉大埕雲胎何家寨賊巢情

形經臣等於二月二十八日附片

奏報在案茲據補用副將曾敏行署羅定州知州周士俊稟稱岑溪一帶賊巢惟河垌最爲險固逆首陳日昇卽陳兩頭口竄踞其中負隅死拒當卽馳調曾光漢劉金華等各勇於二月十七日進紮離河垌里許之磨刀坑地方節節進逼該逆見我軍分途築壘卽率眾二三千峰擁來犯陳龍書盧滿江韋奇文劉金華陳璉洪瑞榮等呼噪而出躍馬爭先衝入賊隊手刃執旗賊目斃

奏疏卷六

三

賊數十名該逆潰散回巢曾敏行周士俊分督親軍進紮磨刀坑十九日黎明派都司盧滿江由左路出訓導陳龍書由中路出守備劉金華生員高錫鈞由右路出曾敏行周士俊帶領親軍督陣爲諸路接應該逆見我軍出隊卽傾巢俱出摔死來衝勢如潮湧我軍槍礮齊施連環轟擊斃賊多名賊猶死戰不退曾敏行身先士卒躍馬衝鋒連斃悍賊數名各營奮勇而前呼聲動天酣戰兩時之久該逆勢漸不支奔回巢內閉柵死守是役也踏平賊匪礮樓三座斃賊三百餘名奪獲旗幟器械多件我軍亦間有傷亡曾敏行周士俊復與諸將弁

籌議欲乘該逆大敗驚餒之時漏夜往襲河垌攻其無備遂派陳龍書盧滿江曾光漢劉金華高錫鈞陳璉梁以文黃亨衢及軍功傅世魁等分隊銜枚疾進三更時候各將弁率勇直抵河垌盧滿江曾光漢劉金華潛至柵外點放火箭寨內同時火起並用大礮將寨門轟倒各勇爭先殺入火勢愈烈烟燄迷漫匪眾奔逃無路中槍礮死者甚眾立將河垌賊巢攻克搜獲器械馬匹偽印無數曾敏行周士俊見賊巢已破匪眾由寨後狂奔知逆首必在其中急率勇練繞過後路抄擊沿途截殺百餘名生擒賊目何仲厚梁亞晚梁亞來李朝天等多名先後生擒七十八名殺斃不計其數奪獲旂幟器械馬匹偽印共六十餘件陣亡弁勇周遇貴方濤等二十名受傷七十餘名餘匪遁歸南渡黎木等處等情前來查陳日昇卽陳兩頭口與羅阿光梁仕隆等逆首由大埕古眉擾及羅定州界實踞河垌爲老巢經曾敏行周士俊越境攻剿覆其巢穴該逆陳兩頭口在岑溪股匪中爲最巨盤踞河垌日久被剿逃竄軍氣爲之一振已飭周士俊等會同岑溪縣務將各股餘匪悉數搜除以絕根株信宜逆首李可鍾盤踞六荷地方黨羽甚眾屢飭信宜縣設法緝拏訖未得其要領迨岑溪股匪倡亂

李可鍾卽遣其姪李河娘李長腰等潛往充夥復遣姪李一貫等張貼偽示播散謠言乘機起事信宜縣黎正春督同紳士陳觀秦陸達務等以防堵爲詞招集兵勇驟出六荷將該逆李可鍾拏獲又繞出東鎮將該逆李一貫李四等拏獲正值陳兩頭口河垌被勦窮蹙之時李河娘李長腰等諸逆導使襲破新勝寨乘勢東趨又邀集大南南渡股匪霍十八羅定章等藉詞報復由安鷺小路直竄信宜縣之東鎮分三路撲犯縣城經該縣黎正春擊退仍遁回東鎮駐紮臣等前檄飭副將曾敏行募勇一千五百人馳防羅定副將潘其泰募勇一千

奏疏卷六

五

人馳防信宜潘其泰分募西勇及吳川靈山之勇尙未成軍因先飭曾敏行一軍移緩就急赴援信宜刻期掃蕩臣等因念廣西藤容岑溪北流陸川數百里之地伏莽滋繁與東省之信宜羅定等州縣緊相接壤全恃署羅定州知州周士俊署化州知州張欽泰信宜縣知縣黎正春等勤廉樸實政事稍爲修明信宜首逆李可鍾甫謀倡亂卽被捕誅羅定駟綸王阿狂七一股亦懾於兵威不敢狂逞現在廣西撫臣張凱嵩派出弁勇已抵容岑臣等意在肅清西路乃得專意防勦東江大股賊匪是以前奏派廣西提臣馮子材添募兵勇數千督同

曾敏行潘其泰等剿除藤容一帶賊匪使邊圉稍獲安謐以整飭戎行爲攘除寇盜之實仍以講求吏治以肅清禍亂之原所有在事出力官紳可否仰邀

天恩由臣等彙案奏獎至副將曾敏行自到防以來屢次越境攻克賊巢擒斬要逆多名羅定藉以肅清未敢沒其微勞應懇

天恩將該副將曾敏行賞給總兵銜以示鼓勵出自逾格鴻施謹將羅定官軍越境蕩平河垌賊巢馳援信宜及現籌辦理情形附片陳明伏乞

聖鑒訓示謹

奏

奏疏卷六

美

化州官紳追捕廣西竄匪全股撲滅片

會總督銜

再廣東化州官紳殲剿廣西竄匪情形經

臣

等於本年

二月二十八日附片

奏明在案嗣據代理化州知州張欽泰稟稱我軍自二月初五日於合江墟地方大獲全勝生擒逆首江甲麟等二百七十八名殺賊千餘名又在城外盤獲內應奸細江亞六等八名其逃出匪夥約有三四百人仍由平定一路拌命窮奔當卽飛飭拔貢彭步瀛會督練紳郭遠昌李鴻文鍾耿光黃文光等由合江北岸跟蹤追剿張欽泰親率張汝泰黃子斌等由合江南岸跟追初六

奏疏卷六

七

日未刻追及附近平定墟之天井地方該匪回頭死拒我軍槍礮齊施四圍攻擊又斃匪二十餘名餘匪竄入池姓祠堂閉門堅守並於瓦面分佈銃械負隅抗拒適彭步瀛等會督練勇趕到張欽泰督飭各軍購備柴草引火之物初六晚潛載至柵外焚之並將火罐拋入賊巢風高燄烈立卽焚燬該匪被焚死者十之八九間有冒火逃出者均被我軍殲斃獲匪何信大李九油何亞翠等十餘名全股悉已蕩除等因前來

臣

等伏查江甲麟卽江二大糾合陳金缸舊黨數千在廣西陸川縣青湖地方舉旂稱亂直竄化州之上江招聚博白岑溪等

處股匪意欲狡逞又有巨逆陳永芳卽木碌四林寶善
周應濂蔡七大李亞撈七等爲之勾引該署州張欽泰
倉卒募勇分飭彭步瀛黃子斌張汝泰李鴻文郭遠昌
等四面攻剿出賊不意斬獲至千餘人又乘勝猛追搗
之羅江溺斃者七八百人窮日夜之力直追至天井地
方盡殲其餘孽行軍之速剿賊之銳極爲難得臣等仍
一面檄飭該署州設法將陳永芳卽木碌四蔡七大等
巨匪趕速拏獲以靖地方所有先後出力官紳勇練容
俟前案奉到

諭旨再行分別彙案酌保藉資鼓舞謹將化州官紳追

奏疏卷六

六

捕廣西竄匪全股撲滅情形附片具陳伏乞

聖鑒訓示謹

奏

閩氛日徧粵省兵單餉絀情形片

會總督銜

再東路官軍迎勦竄匪屢獲勝仗情形業經臣等於三月十五日具

奏在案疊據布政使李福泰惠潮道鳳安等稟稱賊匪圍攻詔安於城外開鑿地道知縣趙人成竭力拒守潮州府陳毓書都司鄧安邦等現赴黃岡圖解詔安之圍副將何雲章進攻雲霄爲賊所包固守營盤大勢均屬岌岌平和之賊日聚日眾於通柏嵩關等處鑿平道路意圖大舉入粵饒平黃岡一帶日形吃緊等情前來臣等查江海洋一股眾約七八萬漳州李世賢一股約十

奏疏卷六

无

餘萬又有僞利王朱興濳僞天將丁太陽各股合計不下二十餘萬雖閩省各軍屢獲勝仗粵省方耀各軍疊有擒斬所殺不過十分之一而所擄脅旬通者仍祗日見其增加而不見其減少是賊勢并不得爲窮蹙左宗棠所部浙軍一二萬人高連陞黃少春劉清亮等又皆一時名將合之閩軍曾玉明等所部圍攻漳州東面其由江西援閩之軍則有劉典婁雲慶王開琳王德榜張恆祥等軍數萬人均係大枝勁旅合之閩軍康國器趙均關鎮國等所部會防漳州北面西至永定東至漳平層層布置江蘇撫臣李鴻章所派郭松林楊鼎勳兩軍

又由廈門進攻漳州東南北三面漸成合圍之勢而賊所踞南靖漳浦雲霄平和各城皆在漳州西面從前尚踞有龍巖一城北有出路今且并集於偏近大埔之歸陽苦竹等處是賊之去路僅廣東一面現據李福泰稟稱探聞詔安縣城已爲賊陷是潮郡又失一重外蔽又據翟國彥報稱漳州逆匪數萬竄至平和粗溪地方并屯駐上下坪等處距楓朗僅及三四十里前後竄擾邊境者均係南靖平和股匪續又添入南陽大股如翟國彥所稱漳州大股又已蠢動其勢必謀竄饒平大埔等縣漸及腹地統計粵東邊防各軍翟國彥三千餘人方

奏疏卷六

三

耀六千餘人鄭紹忠三千餘人其餘林保鄧安邦黃朝恩戴朝佐黃添元梁仕光李元順何雲章等或數千人或數百人卓興一軍六千餘人尙未到防合共三萬餘人縱橫數百里隨處設防已形單薄加以西江防堵之馮子材曾敏行潘其泰等軍北江防堵之任星元等軍併水師沈玉遂王朝治張貴等軍每月需餉幾至三十餘萬竭力籌畫僅及十萬有零勉強支梧以防堵邊界之軍論則多慮其空虛以轉輸防兵之餉論則尙憂其缺乏是粵東之力幾不能旦夕支持臣瑞麟接任以來憂勞布置熟籌審處斷不敢存五日京兆之見臣嵩壽

仰蒙

天恩署理巡撫辦理年餘幸無隕越惟有會同臣瑞麟督同在事文武各員經營籌畫實心實力督率各軍殲除大憝以仰副

皇上綏靖邊疆至意所有閩氛日偏及粵省兵單餉絀情形謹附片具陳伏乞

聖鑒訓示謹

奏

奏疏卷六

三

官軍越境規復詔安屢獲勝仗現籌防勦情形疏

會總督銜

奏爲官軍越境規復詔安屢獲勝仗現籌防勦情形恭

摺由驛馳陳仰祈

聖鑒事竊前因官軍迎勦竄匪獲勝併閩省詔安失守各情經臣等先後馳

奏在案茲據布政使李福泰惠潮道鳳安等稟稱三月初六日閩省詔安城池被賊攻破當卽懸立重賞激勵諸軍乘賊初入詔安布置未周奮勇進攻迅圖克復飭令參將林保率所部駐守上饒之柏嵩關遊擊吉瑞駐守中饒之老虎關總兵黃朝恩遊擊李元順都司鄧安

奏疏卷六

三

邦等各率所部分扼下饒之分水關守備方文督勇穩紮黃岡城外西校場防賊回竄其黃岡各要隘仍飭署潮州府陳毓書督飭鄉團實力扼守副將何雲章攻勦雲霄正在得手因賊匪繞陷詔城與粵軍聲勢隔絕全軍撤回黃岡駐紮蚬蛇嶺潮坑等處隘口把總張捷成分紮所城與原防上里之周國恩等勇互相聯絡以扼詔安沿海由拓林入黃之路初九日卯刻詔安逆匪二千餘往撲章朗鄉鄧安邦楊有鑒方吉等分路抄擊陣斬穿黃馬褂賊目一名殲斃數十名生擒悍匪四名訊明正法十五日黃朝恩督率方文方吉兩軍由西路進

楊有鑒督率霞繞鄉武生張大源團練由東路進鄧安邦全部由中路進直抵龍公山前賊匪四五千衝出接仗我軍奮勇突擊追勦至詔安城下殺賊數百奪獲大白旂數十面十九日辰刻復集諸軍協力猛攻鄧安邦偵知賊有埋伏先出奇兵將賊伏擊敗各勇繼進三面包抄賊眾披靡殺斃數十名此連日進勦詔城逆匪獲勝之情形也臣等伏查賊勢趨併漳州一帶南靖漳浦雲霄平和各城皆逼近粵邊詔安失陷以後潮州防務尤形緊要而漳州大股賊匪尙與官軍相持踞守如故康逆七八萬人盤踞苦竹歸陽等處近聞赴漳乞援移

奏疏卷六

三

紮洪坑李世賢給與洋槍洋藥分撥偽西王悍匪二三萬進紮平和屬之粗溪直逼金豐鄉饒平大埔兩城其勢均爲喫緊潮屬邊防分南北兩路自大埔至柏嵩關爲北路隘口十餘處稍大者爲湖寮風朗鴨母坑深圳等處自柏嵩關爲柘林沿海爲南路隘口亦十餘處而最大者三饒柏嵩關爲上饒老虎關爲中饒分水關爲下饒老虎關與柏嵩關相距差遠中間途徑分歧又以朱家山爲衝要李福泰陸續添募三萬餘人分防各隘口兵力終嫌單薄又苦乏大枝勁旅足當一面之寄臣等屢催卓興一軍馳援刻期抵省擬卽雇募洋船由海

道前赴潮州以期迅速一面札飭李福泰飭將各軍挑選精銳酌量歸併約分三路饒平柏嵩關爲中路正當漳州之衝必得大軍駐紮堵截大埔界內至風朗爲北路以當康逆大股老虎關以南爲南路以當詔安雲霄各股責成卓興翟國彥方耀三軍各當一路其餘各起勇目挑選得力之軍分隸三營以厚兵力而歸整練其水路則澄海縣屬之南港北港可以由海直趨潮郡大埔縣屬之三河壩南可以趨潮郡西可以達嘉應均經李福泰調派緝私巡船併雇募頭艚船分別駐防以資扼守但使該逆不遽闖入粵境俟卓興一軍到防後商定大局歸併各軍擇要穩紮則防務益屬周密庶冀會合閩軍聚殲此匪以副

奏疏卷六

五

皇上綏靖海疆之至意所有官軍規取詔安及現籌防勦各情形謹合詞恭摺由驛馳陳伏乞

皇太后

皇上聖鑒訓示謹

奏

西路官紳勦辦信宜股匪攻克賊巢地方肅清片會總督銜
再官軍由羅定越境蕩平河垌賊巢馳援信宜及籌辦
情形經臣於三月十五日附片

奏報在案嗣據副將曾敏行署信宜縣知縣黎正春等
先後稟稱岑匪李河娘等退踞水口後連日修柵築圍
以爲久踞之計水口離信宜縣城僅十五里二月十八
日黎明該匪糾眾數千一由西路直攻西北二門一由
東路直撲東門又分股潛由山背繞出河口意圖竄踞
鎮隆黎正春密飭高營兵丁嚴守縣城紳士李徽華統
帶壯勇潛伏河口山嘴約會鎮隆練丁分道出城迎敵
適派防石根勇練聞該匪竄撲縣城趕回應援併約六
承團練由後路截擊該匪望見疑爲埋伏卽時返奔其
潛攻鎮隆之匪亦適被我軍擊敗乘勝追勦斃賊數十
名奪獲刀矛大旗十餘件六承團練直薄水口柵旁練
紳廩生梁靖練目李貴誠中礮陣亡高廉道秀英高州
府瑞昌以信宜被圍緊急委派守備陸龍芝陳德銑把
總陸能富等各率勇練於十九二十等日陸續趕到信
宜二十三日卽行分路出擊小有斬獲二十四日該匪
率大股蜂擁而來陸能富李徽華向前迎擊該匪忽分
股由旁路繞出抄襲陸能富之後我兵首尾受敵適後

路兵勇赶到合力奮擊該匪始行敗竄二十六日該匪潛約南渡逆首曾五劉二等徑撲石根堡公豹嶺響水等卡意圖直達東鎮當經紳練陳仕邦余銘勳余廷誥等帶練設伏該匪甫至雙頭地方四面圍擊將該匪截成兩段首尾不能相顧四散狂奔追殺十餘里生擒逆匪歐柱九等九名轟斃偽軍師楊姓一名奪獲大旗檯槍火藥丸彈紅簿偽印多件又豐埔東鎮踞匪分股焚掠雲岫堡一帶亦經該堡練紳林異珍等擊退三月初三日副將曾敏行統帶勁旅一千名由羅鏡一帶繞道馳抵縣境與黎正春等會商以水口賊巢偏近縣城先克復水口則東鎮豐埔諸匪亦必不能久踞方謀紮營望天垌扼其衝要使與東鎮豐埔諸匪聲氣阻隔以爲進剿之計李河娘偵知曾軍已到分股往踞望天垌內陸氏祠及洗氏廟以圖預佔地勢曾敏行登卽會合各營直攻陸氏祠該逆搶出抗拒曾敏行列陣小山坡以待洗氏廟踞匪亦出接應曾敏行直前衝突逆首李河娘退入陸氏祠由祠後毀垣翻山而遁黎正春等亦由北橋岸塘等處分路馳剿適遇水口援賊迎擊敗之乘勝跟追直薄水口賊柵該匪閉柵拒守槍礮雨下曾敏行飭各營傳餐休息候至夜分各勇齊然火把用擡槍

藥罐火包捲營急進焚其外柵曾敏行斬關直入該匪
猶力踞內柵地勢仄狹槍礮傷人稍多督陣官陳添潤
奮勇直登各勇施放火箭內巢亦被焚賊眾擁護李河
娘奪路狂奔與東鎮股匪合併三月初七日黎正春督
率練勇規取東鎮豐埔賊巢曾敏行亦於初八日趕至
東鎮先派一營繞出賊前埋伏金垌地方以防杜南里
大股援賊分飭各軍三路進剿東鎮之賊分踞六賀沙
垌六蒙等處各軍奮力直前踏平賊壘痛加勦洗立將
東鎮等處地方收復餘匪由白石一帶向岑容所屬之
大南里及南渡水汶一帶竄去其豐埔匪巢亦經雲岫

奏疏卷六

七

扶三等堡練紳林異珍等團勇攻克餘匪竄踞牛土坪
亦經曾敏行黎正春抽撥兵勇會同克復前後斃匪數
千人生擒七百餘人內有逆首歐柱九劉二陳太尉僞
軍師楊姓僞都督李晚僞先鋒楊三聘僞司馬張十八
僞指揮邱二等多名陣亡哨官隊長張勝新黃廷楨李
福成程慶龍等及各營兵勇練丁等亦二百餘人信宜
境內百數十里叢奸伏莽盡數殲除地方一律肅清各
等情前來臣等伏查岑溪股匪自入信宜縣境後迭次
攻撲縣城曾敏行黎正春等連日大舉進剿乘勝急趨
將水口豐埔東鎮牛土坪等處次第收復使羣起鴟張

之賊不至蔓延辦理亦尚迅速各堡局紳練協同兵勇奮志前驅擒斬逆匪尤爲踴躍用命臣等惟有嚴飭曾敏行等確探李河娘等蹤跡會合西軍跟蹤追剿以期盡數殲除並飭高州道府招集流亡妥爲撫戢務使窮黎得所伏莽潛消以除後患而靖地方所有在事出力官紳可否由臣等擇尤彙案保奏之處恭候

諭旨遵行除將傷亡紳士兵勇另行查明咨部議卹外謹將西路官軍勦辦竄擾信宜股匪攻克賊巢地方肅清情形附片陳明伏乞

聖鑒訓示謹

奏疏卷六

三

奏

官軍疊擒首逆西江一律肅清片

會總督銜

再正繕摺間接據廣西提臣馮子材咨稱三月十九日馳抵信宜當派總兵關松志督勇前紮貴子墟接據曾敏行等稟稱東鎮收復後該匪竄聚南渡水汶一帶縱橫七十里賊壘如林卽札諭畱駐駟綸之都司盧滿江卽日移營貴子相機進剿適接羅定州知州周士俊緘稱探聞逆首李河娘陳日昇卽陳兩頭口等潛聚嘉益王狂七家請卽迅往掩捕曾敏行以岑溪之由子墟聚匪甚多與南渡水汶並爲嘉益後路若不先將由子等處扼斷則此攻彼勦了事無期三月十九日由白石

奏疏卷六

五

進至水汶彼地素稱賊藪十年來未見官兵一旦振旅前來合堡紳民幾詫從天而下願起鄉團隨同殺賊適聞南渡股匪已被西軍擊敗水汶賊勢稍孤又見我軍層層進逼力不能支夤夜趨併由子村僞都督吳春標僞軍師尹紀黨眾數千添築木柵十餘座建立礮臺東西對峙以鄧公覃梁兩廟爲外巢以楊昌瀾房屋爲內巢阻以溪水負嵎相抗訓導陳龍書督率哨勇進攻鄧公廟曾敏行自率親軍攻覃梁廟外委李廷桂等帶鄉導勇繞過賊巢後埋伏接應自辰至午相持三時之久未決勝負都司馮勝標手持雙刀帶親勇十餘名冒險

槍薄覃梁廟下連斫斷木柵三條各勇同時猛進生擒
僞軍師何得勝及匪黨張十九等五十一名殺斃無算
旋聞東邊礮臺上喊聲突起遙望見十餘人擁護一賊
狀貌兇悍詢所獲各匪知爲僞都督吳春標各勇直前
網縛四面搜捕又生擒二十餘名匪勢窮蹙退保二層
柵內親兵楊星輝等急行衝入用連環洋礮轟擊該逆
亦以洋槍對敵互有損傷曾敏行胸前右手背均被礮
子擦過各哨弁勇因主將受傷拚死奮進遂將礮臺攻
破斃匪約七百名擒獲僞領軍梁亞洪僞先鋒朱子佩
等十五名匪夥一百零五名逃出餘匪皆焦頭爛額不

奏疏卷六

四

滿百人由子村賊壘一律平燬陣亡梁肇興等八名受
傷七十二名曾敏行等以吳春標等雖已就擒若不將
李河娘等盡數殄滅終恐餘燼復燃二十七日由由子
移營加懸重賞一面緘致周士俊密派得力員弁分途
偵緝務得該首逆等下落二十九日果探得李河娘陳
日昇在嘉益王狂七家當卽嚴諭王狂七胞兄王丕烈
勒令登時緦獻以免大兵進剿仍派訓導陳龍書督率
哨勇連夜冒雨馳赴嘉益扼要駐紮使該逆無路潛奔
並使王丕烈等懼於聲威不敢隱藏遂於四月初一日
將李河娘陳日昇一併交出及其黨二十餘名李河娘

解送馮子材行營凌遲正法陳日昇解赴周士俊駟輪行營正法又探聞陳英光卽獨角牛匿在排埠關口現飭設法嚴緝務期迅速拏獲以淨根株而清芽孽各等情前來臣等伏查李河娘爲信宜起事首逆陳日昇爲羅定積年巨逆句結岑容股匪擾犯廣東地界化州羅定一帶皆爲賊壘曾敏行迭次會同地方官併力攻勦捲甲疾趨擒渠婦穴李河娘陳日昇及岑溪逆首吳春標等皆次第伏誅洵足壯軍威而固疆圉總兵銜副將曾敏行由羅定信宜轉戰岑容數百里之交破巢滅賊謀勇兼資可否仰邀

奏疏卷六

聖

天恩以總兵交軍機處記名遇缺題奏以示鼓勵之處出自

逾格鴻施再查此次廣西股匪闖入粵境沿邊各州縣徧地賊氛陳日昇陳永芳李可鍾李一貫李河娘王狂七等陰蓄狡謀乘隙思逞各該州縣或伺其將發之時設法掩捕或值其攻城之際督兵痛勦江甲麟一股由廣西陸川縣徑攻化州城知州張欽泰擒獲首逆並將其全股撲滅李河娘陳日昇等迭攻信宜城知縣黎正春倡議守城與紳士約不准一人出城親督練勇與賊搏戰羅定州知州周士俊與曾敏行越境攻勦河堀股

匪嘉益王狂七一股亦弭伏不敢狂逞所以能迅收掃蕩之功者良由吏治稍爲肅清各該州縣辦事認真之力署羅定州知州同知銜長樂縣知縣周士俊同知銜署信宜縣候補知縣黎正春均請以同知直隸州儘先補用

賞戴花翎周士俊并先開長樂縣缺署化州知州補用同知直隸州張欽泰請以本班遇缺先補並

賞加知府銜其餘在事出力員弁應懇

天恩由臣等擇尤保

奏布政使司銜高廉道英秀前高州府調補潮州府知

奏疏卷六

呈

府蔣超伯高州府知府瑞昌調撥兵勇支放口糧均屬著有勞績英秀已得升銜請

記存錄用蔣超伯瑞昌二員可否

賞加鹽運使銜用資獎勵所有官軍勦辦疊擒首逆西江一律肅清各情形謹附片馳

奏伏乞

聖鑒訓示謹

奏

廣西提臣馮子材應由西江馳赴新任片

再廣西提臣馮子材經前督臣毛鴻賓會同臣嵩燾奏

請暫留督辦東江防堵事務該提臣以在籍修墓未能

迅速赴防又經調派南韶連鎮總兵卓興督率所部前

往防勦緣卓興一軍六千餘人尙屬大枝勁旅該提臣

籍隸海西之廉州卽令開募成軍而距潮嘉甚遠到防

必需時日總兵翟國彥卓興副將方耀等皆非其舊部

亦未必能俯受節制適廣西竄匪擾及化州信宜一帶

西江各州縣所在驚擾又經前督臣會奏該提臣改辦

西江軍務各在案現在該提臣新募之二千人行駐信

奏疏卷六

聖

宜境界而曾敏行等軍馳擊各股巨匪勦辦尙能應手

並擒獲首逆陳兩頭口李河娘等西江地界幸已肅清

該提臣新募之勇可以就地裁遣稍節糜費應請

旨飭該提臣馳赴新任無庸留東至陽江鎮總兵任星

元一軍前經調赴西江適南陽康逆大股竄至石碣江

西瑞金廣昌等縣戒嚴仍留該鎮一軍辦理北路防務

屢蒙

諭旨垂詢合併陳明所有廣西提臣馮子材應由西江

就近馳赴新任之處謹附片馳

奏伏乞

聖鑒訓不謹
奏

奏疏卷六

四



奏疏卷六

審明革職拏問之知縣並無聞警先逃實在劣蹟分別

擬議疏

會總督銜

奏爲審明被參革職拏問之知縣並無聞警先逃實在劣蹟擬議恭摺仰祈

聖鑒事竊照已革大埔知縣陳慶麟於防堵喫緊之時擅自赴郡懇求卸事一案經前督撫臣會同

奏參成豐十一年四月二十日內閣奉

上諭勞崇光等奏請將聞警先逃之知縣革職拏問一摺廣東知州銜大埔縣知縣陳慶麟因傳言福建連城失守不察虛實輒攜眷帶印避赴潮州府城懇求交卸

奏疏卷六

聖五

竟置地方於不顧實屬糊塗荒謬陳慶麟著卽革職拏問交勞崇光等從嚴定擬具奏欽此遵卽轉飭藩臬兩司行提該革員陳慶麟到省委廣州府審解到司並無聞警先逃情弊提同大埔縣紳士蔡惠疇等質明由司解覆前督臣以現審情節多與原奏不符飭再復加妥擬茲據廣州府知府梅啟照核議由司解覆前來臣等親提該革員陳慶麟悉心研審緣陳慶麟籍隸江西清江縣由監生於江蘇捐米案內議敘知縣加知州銜選授廣東大埔縣知縣咸豐十年五月到任是年冬福建汀州府被賊竄陷武平縣旋亦失守該革員陳慶麟因

汀州府屬之上杭縣與武平縣連界大埔緊接上杭爲
閩粵通衢門戶力籌防堵經潮州府海廷琛派委千總
周國恩帶領五百名協同守城其餘要隘各處該革員
自行雇勇防守因經費支絀所需勇糧無從籌款支給
赴府面求海廷琛給發維時該縣地方安靜並無賊警
縣民見地方官赴府相率謠傳稱福建連城縣有失守
之信紛紛遷避該縣典史陳俊把總嚴鳳章帶勇千總
周國恩疑該革員先得連城警信藉端走避稟請該管
道府查辦該革員抵郡經道府詢詰該革員懵然不知
該道府以汀州武平相繼失守卽欲請發口糧亦不應

奏疏卷六

三

於防堵吃緊之際擅離職守將其面加申飭該革員無
詞可答卽自稱才力不及懇求委員接署該道府以事
關防堵一面稟揭一面遴委潮陽縣丞戚開蓉先行接
印代理迨將該革員提省審辦經前臬司札委嘉應州
知州薩保署潮州府黃岡同知馮鐘馳赴大埔縣查明
大埔與福建連城縣相距四百餘里距武平縣二百餘
里十年十一年冬春之間連城縣並無失守亦無賊警
卽大埔及鄰近各州縣均無賊匪竄擾已革大埔縣陳
慶麟當日委係赴郡請發勇糧并無聞警逃避情事傳
訊紳耆蔡惠疇等亦屬相符取具各結錄供稟經前臬

司飭據委員廣州府等核明將案審擬解覆前督臣以現辦情節與原奏不符飭再覆加查核現據委員府州等安擬由司招解到臣據該革員陳慶麟仍供認前情矢口不移伏查此案前據委員嘉應州知州薩保等查明當時福建連城縣並無失守亦無賊警卽大埔及鄰境各州縣均無賊匪竄擾此等事蹟昭彰科以聞警逃避之罪亦不足服該革員之心且大埔東北距武平二百餘里武平失守該革員並未逃避連城相距四百餘里中隔上杭永定二城卽令連城失守亦與大埔無涉遽爾逃避尤非事實惟其時防堵正形吃緊該革員以

奏疏卷六

七

赴郡之故致滋居民疑慮又以新春適其眷屬先後赴距城四十里三河壩地方之觀音閣行香百姓之謠言典史把總之稟揭亦屬事出有因此案已革大埔縣知縣陳慶麟於鄰境福建汀州府武平縣失陷該縣係全粵門戶防堵最爲吃重率因請發勇糧擅自赴郡致令人心驚慌幾至貽誤大局經道府申飭復懇求委員接署蹟亦近於規避且任從眷屬入廟燒香地方官爲百姓觀瞻所係種種乖謬未便因賊未入境尙無貽誤地方稍事姑容應請卽行革職爲不知緩急輕重妄動者戒業經參革應毋庸議典史陳俊把總嚴鳳章千總周

國恩因陳慶麟赴郡之後聞有連城失守謠言倉卒未
及確查慮及賊匪竄擾並因其眷屬先後出城疑係聞
警帶印攜眷先逃稟請道府查辦係爲慎重地方防堵
起見尙屬情有可原應請免其置議紳耆蔡惠疇等訊
屬無干概行省釋除供招咨部外所有審明擬議緣由
謹合詞恭摺具

奏伏乞

皇太后

皇上聖鑒訓示謹

奏

奏疏卷六

吳

拏獲盤踞香港招夥濟賊逆首審明正法疏

會總督銜

奏爲拏獲盤踞香港招夥濟賊逆首審明正法恭摺馳奏仰祈

聖鑒事竊上年官軍克復江南逆黨李世賢汪海洋等擁眾竄擾福建汀漳各屬徧伺粵疆臣等念沿海近邊香港澳門等處向稱逋逃淵藪早慮奸商匿匪私運洋槍火藥洋米洋布接濟汀漳踞賊派員嚴密輪查聞有偽森王侯玉田交通洋盜盤踞香港專辦閩賊接濟正在設法擒捕適據記名總兵補用副將陳擇輔稟稱有東莞人陳鎮傑曾於咸豐四年在上海販貨行至福山

奏疏卷六

六

江口被侯逆擄劫入船旋即隻身逃出情願充綫前赴香港認拏當經臣等會商英國領事羅伯遜並照會香港公使碼沙密飭署廣州協中軍都司保應熊偕同陳擇輔帶領右營千總蔡釗候補千總曹焜等挾綫往捕又值香港商民梁志兆爲侯逆夥黨在洋面劫去貨船計贓數萬正與理論洋官等因會同保應熊等將該逆細縛押解到省據供本名侯管勝年三十七歲嘉應州人咸豐二年投入賊營隨同攻陷金陵充偽水師主將管帶礮船四五萬人節次抗拒官軍加封偽森王號六千歲上年官軍克復金陵潛由上海逃至香港在上環

地方開設金成泰店假生意爲名私運軍火糧食接濟漳賊隨時窺探官軍爲漳賊耳目與素好之清遠人梁振威通信尤勤等供_臣等伏查侯管勝逆封僞王情罪本重金陵克復後逃回香港復敢藉名貿易聚匪橫行邀劫商財資販軍火等物運濟賊中又爲之偵探軍情密布黨與其蓄謀尤險其搆亂尤深初解到時發交廣州府研訊植立不跪情詞悖逆迹其很毒允爲逆黨中之兇渠_臣等於審明後恭請

王命飭署按察使郭祥瑞督標中軍副將施溥將該僞森王侯管勝綁赴市曹凌遲處死以伸

奏疏卷六

五

國憲而快人心所有出力之記名總兵補用副將陳擇輔儘先遊擊署廣州協中軍都司保應熊廣州協右營左哨千總蔡釗守備銜候補千總曹焜等與洋官商辦數日之久設法拏解爲粵省除一巨害實屬著有微勞陳擇輔擬請

賞加提督銜保應熊擬請

賞加副將銜蔡釗請以守備儘先補用曹焜請免補千總以守備儘先升補以昭激勸至英國領事羅伯遜事委曲商議顧全大局洵爲可嘉香港公使瑪沙政務司末士噤於商辦此案亦深惡該逆攔海行劫情形撥

兵看守旋將該逆拏交解省均屬深明大義應懇
天恩給予嘉獎至通逆之梁振威應飭該弁等設法購
綫嚴密查拏務期弋獲以靖地方所有拏獲盤踞香港
解運軍火逆首訊明正法緣由謹合詞由驛馳
奏伏乞

皇太后

皇上聖鑒謹

奏

香港藏姦之藪地方官求之愈急洋人護之亦愈堅
此次洋人解送侯玉田爲歷來未有之舉由鄙人稍

奏疏卷六

至

知夷情竅要鉤而致之澄帥遽加以鋪張反覆開陳
終以不悟卒使洋人往復駁詰無詞以應之此後香
港捕盜門徑永以杜塞矣

自記

西路官軍續擒首逆攻毀嘉益排埠賊巢片

會總督銜

再西路官軍勦辦竄擾信宜股匪攻克賊巢並疊擒首逆西江一律肅清各情形經臣等於四月十二日附片

奏報在案嗣查我軍自攻克由子村等處賊巢首匪李河孃陳日昇吳春標等次第伏誅後又經守備陸龍芝等督率各路團練分路截擊搜捕斃匪五百餘名生擒九百餘名並獲偽將軍潘常典偽都督潘元濟黃六等三名訊明正法惟陳英光卽獨角牛匿在排埠關口地方偽稱正元帥爲羅定積年巨惡總兵關松志副將曾敏行督隊前往嘉益三面設伏密飭該地武生陳進魁

奏疏卷六

五

拔貢生陳藜光等購綫引拏卽於四月初四日將陳英光卽獨角牛擒獲解赴提督馮子材行營凌遲處決至嘉益著匪王狂七陰結死黨依山立寨久爲兩粵邊界各匪逋逃淵藪當岑溪股匪未平之前曾敏行等稔知該逆狡悍異常慮其蠢動牽制我軍極力羈縻諭令緬獻陳兩頭口李河孃等卽貸以不死迫交出陳兩頭口之後再三喻以禍福令將其死黨案名交出撫慰歸團該逆一味支梧中藏詭譎益於所居村寨添築牆濠礮臺悍無顧忌該處紳士紛紛泣訴僉稱此賊不除終遺養虎之患四月初五等日曾敏行親督都司林隆祥盧

滿江等更番進擊該匪閉寨堅守從牆眼施放槍礮我
勇逼近卽傷未能得手適_臣等解往炸礮四尊羅定州
知州周士俊亦由州城運到千斤大礮一尊安放墟中
晝夜轟擊將巢外木柵土壘次第攻毀巢內死黨仍堅
守不出查訊生擒各犯稱巢內礮火糧食俱極充足其
頭目除王狂七之外尙有僞都督張大眼二及其子張
廷秀輪流持刀壓令匪黨開礮拒敵並徧地埋伏地雷
我軍屢進屢傷幾成束手四月十五日副將潘其泰曾
敏行等督勇急取松毛稻草直薄逆巢放火焚燒各勇
大呼有能自拔來歸及擒獻首逆者立予重賞該匪黨

奏疏卷六

壹

果懷疑畏爭先逃走各勇冒死擁入賊柵橫衝直殺王
狂七無計逃走自燃火藥與兩妾登時焚死守備楊昌
雲率領各弁勇爭先入柵均致陣亡適潘其泰等督勇
攻入立將要匪張應元卽大眼二張廷秀及僞先鋒等
二十五名一並擒斬王狂七之兄王丕烈丕緒及其一
妻一子亦經把總陳聰會同團練在道截獲解交西甯
縣分別訊明懲辦並將王狂七屍身認明戮取首級懸
竿示眾現在嘉益排埠賊巢盡行攻毀逆首悉數就擒
餘黨幸無漏網此皆仰賴

天威遠懾士卒用命使羅定積年之巨患一律肅清高

羅各屬稍獲安枕所有在事出力官紳員弁業經臣等先後

奏請彙案獎敘廣西提督馮子材自勦辦西路軍務以來妥籌布置調度有方相應仰懇

天恩交部從優議敘其尤爲出力之提督銜總兵關松志統帶馮子材部勇擒獲首逆迅殄妖氛尙屬著有勞績該總兵曾經奉

旨記名遇缺題奏應如何獎勵之處出自

逾格鴻施陣亡守備楊昌雲應請

旨交部從優議卹以慰忠魂其餘在事出力及陣亡各

奏疏卷六

著

員弁由臣等查明彙奏現在西路業已肅清副將潘其泰勇丁一千名應卽裁撤以節糜費所有西路官軍續擒首逆攻毀嘉益排埠賊巢情形謹附片陳

奏伏乞

聖鑒訓示謹

奏

